

朱子全書

修訂本



上海古籍出版社
安徽教育出版社

1386453

朱子全書

第叁册

朱子全書

修訂本

〔宋〕朱熹撰
朱傑人 嚴佐之 劉永翔 主編



淮阴师范学院图书馆 1386453

上海古籍出版社
安徽教育出版社

朱子全書

本冊責任編輯：

黃書元

夏秀流

美術編輯：

嚴克勤

王貽樑 校點
呂友仁 審讀

儀禮經傳通解（二）

儀禮集傳集註卷第二十六

夏小正

王朝禮三之上

傳曰：何以謂之小正？以小著名也。

正月。啓蟄，鴈北鄉，鄉，許亮反。雉震响，响，古豆反。魚陟負冰。農緯厥耒，初歲祭耒，始用耒。囿有見韭_(一)。時有俊風，寒日滌凍塗。田鼠出，農率均田。獺祭魚，獺，他達反。鷹則爲鳩。農及雪澤，初服于公田。采芣。鞠則見，初昏參中，斗柄縣在下。縣，音玄。柳稊，稊，徒稽反。梅、杏、柰、桃則華，柰，音夷。緹縞，縞，他禮反。縞，古老反。雞桴粥。桴，步侯反。粥，音育。

傳曰：正月。啓蟄，言始發蟄也。鴈北鄉。先言鴈而後言鄉者何也？見鴈而後數其鄉也。數，色主反。鄉者何也？鄉其居也，鴈以北方爲居。何以謂之爲居？生且長焉爾。

長，丁丈反。「九月遫鴻鴈」，遫，特計反。先言遫而後言鴻鴈何也？見遫而後數之則鴻鴈也。何不謂南鄉也？曰：非其居也，故不謂南鄉。記鴻鴈之遫也，如不記其鄉，何也？曰：鴻不必當小正之遫者也。雉震响。震也者，鳴也；响也者，鼓其翼也。正月必雷。雷不必聞，惟雉爲必聞之。何以謂之？雷則雉震响，相識以雷。魚陟負冰。陟，升也。負冰云者，言解蟄也。農緯厥耒。緯，束也。束其耒云爾者，用是見君之亦有耒也。初歲祭耒，始用暢也。暢也者，終歲之用祭也。其曰初云爾也者，言是月之始用之也。初者，始也。或曰祭韭也。囿有見韭。囿也者，園之燕者也。時有俊風。俊者，大也。大風，南風也。何大於南風也？曰：合冰必於南風，解冰必於南風，生必於南風，收必於南風，故大之也。寒日滌凍塗。滌也者，變也，變而煖也。凍塗者，凍下而澤上多也。田鼠出。田鼠者，嗛鼠也。嗛，戶監反。記時也。農率均田。率者，循也。均田者，始除田也，言農夫急除田也。獺祭魚。傳本獺下有「獸」字。其必與之獻「與」，疑作「謂」。「獻」，傳作「獸」。何也？曰：非其類也。祭也者，得多也。善其祭而後食之。十月豺祭獸謂之祭，獺祭魚謂之獻。傳作「獸祭」。何也？豺祭其類，獺祭非其類，故謂之獻，傳作「獸」。大之也。鷹則爲鳩。鷹也者，其殺之時也；鳩也者，非其殺之時也。善變而之仁也，故具言之也曰「則」，盡其辭也；鳩爲鷹，變而之不仁也，故不盡其辭也。農及雪澤，言雪澤之無

高下也。初服于公田，古者有公田焉，言古者先服公田而後服其田也。（二）采芸，舊注云：似邪蒿，可食。爲廟采也。鞠則見，鞠也者何也？星名也。鞠則見者，歲再見爾。初昏參中，蓋記時也云。斗柄縣在下，言斗柄者，所以著參之中也。柳稊，稊也者，發乎也。梅杏杕桃則華，杕桃，山桃也。緹縞，緹也者，莎隨也，縞也者，其實也。先言緹而後言縞者何也？緹先見者也。雞桴粥，粥也者，相粥之時也。或曰：桴，軀伏也。伏，扶又反。粥，養也。

二月。往耒黍，禪。耒，音憂。禪，音丹。初俊羔，助厥母粥。綏多女士。丁亥，萬用人學。祭鮪，鮪，位軌反。榮堇，堇，居隱反。采蘩，昆小蟲，抵蜺。蜺，直其反。來降燕，乃睇睇，特計反。剥鰾，鰾，常演反。有鳴倉庚。榮芸，時有見稊始收。

傳曰：二月。往耒黍，禪。禪，單也。初俊羔，助厥母粥。俊也者，大也。粥也者，養也。言大羔能食草木而不食其母也，羊羔非其子而後養之，善養而繼之也。或曰：夏大戴作「憂」。有煮祭，祭者用羔。是時也，不足喜樂，樂，音洛。喜傳本作「善」。羔之爲生也而記之，與牛羊傳云：舊注作「羔羊」。腹時也。綏多女士。綏，安也，冠子娶婦之時也。冠，古亂反。丁亥，萬用人學。丁亥者，吉日也。萬也者，干戚舞也。人學也者，大學也，謂今時大舍采也。祭鮪。祭不必記，記鮪何也？鮪之至有時，美物也。鮪者，魚之先至者也。而其

至有時，謹記其時。榮莖，采繫。莖，采也。大戴作「采色」。繫，由胡。由胡者，繫母也。繫方勃也，皆豆實也，故記之。昆小蟲，抵蜺。昆者，衆也。由魂魂也者，動也，小蟲動也。其先言動而後言蟲者何也？萬物至是動而後著。抵，猶推也。推，土堆反。蜺，蜺卵也，蜺，魚豈反。卵，盧短反。爲祭醢也。取之則必推之，推之不必取，取必推而不言取。來降燕，乃睇。燕，乙也。降者，下也。言來者何也？莫能見其始出也，故曰來降。言乃睇何也？睇者，眄也，眄，普覓反。眄者視可爲室者也。百鳥皆曰巢，窠穴取與之室何也？摻泥而就家，人大戴作「入」。人內也。摻，所覽反。剥鰾，以爲鼓也。有鳴倉庚。倉庚者，商庚也。商庚者，長股也。榮芸，時有見稊始收。有見稊而後始收。是小正序也。小正之序時也，皆若是也。稊者，所爲豆實。

三月。參則伏。攝桑，委楊，犂羊，穀則鳴。穀，音斛。頒冰，采識，妾子始蠶，執養宮事。祈麥實，越有小旱，田鼠化爲鴛，鴛，音如。拂桐芭，鳴鳩。

傳曰：三月。參則伏。伏者，非亡大戴作「忘」。之辭也。星無時而不見，我有不見之時，故曰伏云。攝桑，攝而記之，急桑也。委一作「萎」。楊，楊則花而後記之。犂羊。羊有相還之時，其類犂犂然，記變爾。或曰：犂，羝也。羝，丁奚反。穀則鳴。穀，天螻也。螻，音樓。頒冰。頒冰者，分冰以授大夫也。采識。識，草也。妾子始蠶。先妾而後子何也？

曰：事有漸也，言自卑事者始也。傳本云：當云「事自卑者始」。或無「也」字。執養官事。執，操也；操，七刀反。養，長也。長，丁丈反。祈麥實。麥實者，五穀之先見者，故急祈而記之也。越有小旱。越，于也，記是時恒有小旱。田鼠化爲鴛。鴛，鵠也。鵠，鳥含反。變而之善，故盡其辭也。鴛爲鼠，變而之不善，故不盡其辭也。拂桐芭。拂也者，拂也，桐芭之時也。或曰：言桐芭始生，貌拂拂然也。鳴鳩，言始相命也。先鳴而後鳩何也？鳩者鳴而後知其鳩也。

四月。昴則見，見，賢遍反。初昏，南門正。鳴札，囿有見杏，鳴蜮。蜮，音或。王萑莠，取茶，萑，房九反。莠幽。越有大旱，執陟攻駒。

傳曰：四月。昴則見，初昏，南門正。南門者，星也。歲再見，壹正，蓋大正所取法也。鳴札。札者，寧縣也。縣，音懸。鳴而後知之，故先鳴而後札。囿有見杏。囿者，山之燕者也。鳴蜮。蜮也者，或曰屈造之屬也。王萑莠，取茶。茶也者，以爲君薦蔣也。莠幽，越有大旱。記時爾。執陟攻駒。執也者，始執駒也。執駒也者，三離之去母也，執而升之君也。攻駒也者，教之服車數舍之也。

五月。參則見。見，賢遍反。浮游有殷，鳩則鳴。「鳩」，與「鵠」通，古役反。時有養日，乃瓜，良蜩鳴。蜩，音彫。匱之興五日翕，望乃伏。匱，於殄反。啓灌藍蓼，鳩爲鷹，唐蜩鳴。初

昏，大火中。煮梅，蓄蘭，菽糜，菽，音叔。糜，音門。頌馬。

傳曰：五月。參則見，參也者，伐一作「牧」。星也，故盡其辭也。浮游有殷。殷，衆也。浮游者，渠略也，朝生而暮死。稱「有」何也？有見也。鳩則鳴。鳩者，百鷦也。鳴者，相命也。其不辜之時也，是善之，故盡其辭也。時有養日，大戴「日」作「旦」〔四〕。以十月「養夜」考之，作「旦」近是。養，長也。長，丁丈反。一則在本，一則在末，故其記曰「時養日」〔大戴作「旦」，非是〕〔五〕。云本多作「之」，今從傳本舊注。也。乃瓜。傳本「瓜」上有「衣」字。乃傳云：一本有「衣」字。者，急瓜詩云一作「衣」。之辭也。傳云：一本有「衣」也者，始創衣也。瓜也者，始食瓜也。良蜩鳴。良蜩也者，五采具。匱之興五日翕，望乃伏。其不言生而稱興何也？不知其生之時，故曰興。以其興也，故言之興五日翕也。望也者，月之望也。而伏云者，不知其死也，故謂之伏。五日也者，十五日也。翕也者，合也。伏也者，人而不見也。啓灌藍蓼。啓者，別也，陶而疏之也。灌者，聚生者也。記時也。鳩爲鷹，唐蜩鳴。唐蜩鳴者，匱也。初昏，大火中。大火者，心也。心中，種黍菽糜時也。煮梅，爲豆實也。蓄蘭，爲沐浴也。菽糜，以在經中矣，又言之時何也？是食短關而記之。頌馬，分夫婦一作「大夫卿」。之駒也。將閒諸則，或取離駒納之則法也。

六月。初昏，斗柄正在上。煮桃，鷹始摯。

傳曰：六月。初昏，斗柄正在上。五月大火中，六月斗柄正在上，用此見斗柄之不在當心也，蓋當依。依，尾也。煮桃。桃也者，杔桃也。杔桃也者，山桃也，煮以爲豆實也。傳本「杔」作「施」，注云：按爾雅：「杔，楸。」郭璞云：「白楸也，樹似白楊。」而古今字書有杔而無施，亦無有訓山桃者。爾雅：「榬桃，山桃。」音斯。唐韻亦云：「此書施桃者，山桃也，當作榬。」蓋傳寫之誤。鷹始摯。始摯而言之何也？諱煞之辭也，傳本有「言」字。摯云。

七月。莠薳葦。莠，讀爲秀。薳，胡官反。葦，于鬼反。狸子肇肆，湟潦生苹。湟，音皇。潦，力倒反。苹，符兵反。爽死，并莠。漢案戶。寒蟬鳴。初昏，織女正東鄉。鄉，音向。時有霖雨，灌荼。斗柄縣在下則旦。縣，音懸。

傳曰：七月。莠薳葦。未莠則不爲薳葦，莠然後爲薳葦，故先言莠。狸子肇肆。肇，始也。肆，遂也。言其始遂也。其或曰：肆，殺也。湟潦生苹。湟，下處也。有湟然後有潦，有潦而後有苹草也。爽死。爽也者，猶疏也。并莠。并也者，有馬帚也。漢案戶。漢也者，河也。大戴無此三字。案戶也者，直戶也，言正南北也。寒蟬鳴。蟬也者，蜩蟪也。蜩，大兮反。初昏，織女正東鄉。時有霖雨，灌荼。灌，聚也。荼，薳葦之莠。傳本有「也」字。爲蔣楮之也。薳未秀爲莢，莢，土敢反。葦未秀爲蘆。傳本秀皆作莠。斗柄縣在下則旦。

八月。剥瓜，玄校。剥棗，桌零。桌，力執反。丹鳥羞白鳥。辰則伏，鹿人從。駕爲鼠。參中則旦。

傳曰：八月。剥瓜。剥瓜也者，畜瓜之時也。玄校。玄也者，黑也；校也者，若綠傳本作「緣」。色然。婦人未嫁者衣之。衣，去聲。剥棗。剥也者，取也。桌大戴作「栗」。零也者，降也。零而後取之，故不言剥也。丹鳥羞白鳥。丹鳥者，謂丹良也；白鳥者，謂蚊傳本作「閩」。蚋也。蚋，儒稅反。其謂之鳥也，重其養者也。有翼者爲鳥。羞也者，進也，不盡食也。辰則伏。辰也者，謂星也；伏也者，人而不見也。鹿人從。鹿人從者，從羣也。鹿之養也，離羣而善而傳本無此「而」字。之。離而生，非所知時也，故記從不記離。君子之居幽也不言。或曰：人從大戴無此「從」字。人從也者，大者於外，小者傳本有。於內，率之也。駕爲鼠。參中則旦。

九月。內火。內，音納。遯鴻鴈，遯，特計反。主夫出火。陟玄鳥蟄，熊羆、貉貉、鼬鼬則穴八。貉，莫白反。貉，曷各反。鼬，音佑。鼬，音生。榮鞠，樹麥。鞠，居六反。王始裘。辰繫于日，雀入于海爲蛤。

傳曰：九月。內火。內火也者，大火。大火也者，心也九。遯鴻鴈。遯，往也。主夫出火。主夫也者，主以時縱火也。陟玄鳥蟄。陟，升也；玄鳥者，鷲也。先言陟而後言蟄

何也？陟而後蟄也。熊羆、貉貉、鼬鼬則穴，大戴「穴」作「大」，非。若蟄也「一〇」。榮鞠，樹麥。大戴無「樹麥」字，傳云：或曰：傳文也。鞠，草也。鞠榮而樹麥，時之急也。王始裘。王始裘者何也？衣裘之時也。衣，去聲。辰繫于日。傳本注無此字，疑八月「辰則伏」之類，寫時脫也。雀入于海爲蛤，蓋有矣，非常人也。

十月。豺祭獸。豺，牀皆反。初昏，南門見。見，賢遍反。黑烏浴。時有養夜。玄雉入于淮爲蜺。蜺，時忍反。織女正北鄉則旦。鄉，許亮反。

傳曰：十月。豺祭獸。善其祭而後食之也。初昏，南門見。南門者，星名也。及此再見矣。黑烏浴。黑烏者何也？烏也。浴也者，飛乍高乍下也。時有養夜。時有養夜者，養，長也，若日之長也玄。傳本注無「玄」字，傳作云，疑屬上則然，亦非也。雉入于淮爲蜺。蜺者，蒲蘆也。織女正北鄉則旦。織女，星名也。

十有一月。王狩，陳筋革。嗇人不從，隕麋角。

傳曰：十有一月。王狩。狩者，言王之時田，冬獵爲狩。陳筋革。陳筋革者，省兵甲也。嗇人不從。不從者，弗行於時月也，萬物不通。隕麋角。隕，墜也。日冬至，陽氣至始動，諸向生皆蒙蒙符矣，故麋角隕，記時焉爾。

十有二月。鳴弋，玄駒賁。賁，音奔。納卵蒜「二」。蒜，蘇貫反。虞人入梁。隕麋角。

傳曰：十有二月。鳴弋。弋也者，禽也。先言鳴而後言弋者何也？鳴而後知其弋也。玄駒賁。玄駒也者，蠃也。蠃，魚豈反。賁者何也？走於地中也。納卵蒜。卵蒜也者，本如卵者也。納者何也？納之君也。虞人入梁。虞人，官也。梁者，主設罟罟者也。罟，音古。隕麋角，蓋陽氣旦睹也，故記之也。○周月：維一月既南至，昏昴畢見，日短極，基踐長，微陽動于黃泉，陰降慘于萬物。是月斗柄建子，始昏北指，陽氣虧，草木萌蕩。日月俱起于牽牛之初，右回而行。月周天起一次而與日合宿。日行月一次而周天曆舍于十有二辰^{〔二〕}，終則復始，是謂日月權輿與？周正歲道，數起于時一而成于十次，一爲首，其義則然。凡四時成歲，歲有春夏秋冬，各有孟仲季以名十有二月，中氣以著時應。春三中氣：雨水、春分、穀雨；夏三中氣：小滿、夏至、大暑；秋三中氣：處暑、秋分、霜降；冬三中氣：小雪、冬至、大寒。閏無中氣，斗指兩辰之間。萬物春生夏長，長，丁丈反。秋收冬藏，天地之正，四時之極，不易之道。夏數得天，百王所同。其在商湯，用師于夏，降民之災，順天革命，改正朔，變服殊號，一文一質，示不相沿。以建丑爲正，易民之眠。若天時天變，亦一代之時。亦越我周王致伐于商，改正異械，以垂三統。至於敬授民時，巡狩烝享，猶自夏焉。是謂周月，以紀于政。以上見汲冢周書，雖出近世所僞作，然其所論亦會集經傳之文，無悖理者，今姑存之。○單子曰：「夫辰角見而雨畢，單，

音善。夫，音扶。見，賢遍反，下同。○辰角，大辰蒼龍之角。角，星名也。見者，朝見東方建戌之初，寒露節也。雨畢者，殺氣日至，而雨氣盡也。天根見而水涸，涸，下各反，下同。○天根，亢、氐之間。涸，竭也。謂寒露雨畢之後五日，天根朝見，水潦盡竭也。月令：「仲秋，水始涸。天根見，乃盡竭也。」本見而草木節解，解，下買反。○本，氐也。謂寒露之後十日，陽氣盡，草木之枝節皆理解也。駟見而隕霜，駟，天駟，房星也。隕，落也。謂建戌之中霜始降。火見而清風戒寒，謂霜降之後，清風先至，所以戒人爲寒備也。故先王之教曰：「雨畢而除道，水涸而成梁，教，謂月令之屬也。九月雨畢，十月水涸也。草木節解而備藏，備，收藏也。月令：季秋，農事畢收。隕霜而冬裘具，孟冬，天子始裘，故九月可以具。清風至而修城郭宮室。」謂火見之後，建亥之初也。故夏令曰：「九月除道，十月成梁。」夏令，夏后氏之令，周所因也。除道所以便行旅，成梁所以便民，使不涉也。其時倣曰：「收而場功，倣而畚梲，倣，具也。畚，器名，土籠也。梲，昇土之器。具爾畚梲，以築作也。營室之中，土功其始。定，謂之營室也。建亥小雪中，定星昏正於午，土功可以始，故詩云「定之方中，作于楚宮」也。火之初見，期於司里。期，會也。致其築作之具，會於司里之官也。此先王所以不用財賄，而廣施德於天下者也。施德，謂因時警戒，謹蓋藏，成築功也。今陳國火朝覲矣，而道路若塞，野場若棄，澤不陂障，川無舟梁，覲，徒歷反。陂，彼爲反。障，

之亮反。○舟梁，以舟爲梁矣。是廢先王之教也。國語周語○魯宣公夏濫於泗淵，濫，盧瞰反。○濫，漬也。漬，苦於泗水之淵以取魚也。泗在魯城北也，又曰南門。里革斷其罟而棄之，罟，網也。曰：「古者大寒降，土蟄發，降，下也。寒氣初下，謂季冬建丑之月，大寒之後也。土蟄發，謂孟春建寅之月，蟄始震也。月令：孟春「蟄蟲始震，魚上冰，獺祭魚」也。水虞於是乎講罟罾，取名魚，登川禽，而嘗之寢廟，行諸國人，助宣氣也。罾，音孤。罾，音柳。○水虞，漁師也，掌川澤之禁令。講，習也。罾，漁網。罾，筍也。名魚，大魚也。川禽，鼈蜃之屬。諸，之也。是時陽氣起，魚陟負冰，故令國人取之，所以助宣氣也。月令：季冬「始漁」，「迺嘗魚，先薦寢廟」。唐云：「孟春」誤矣。鳥獸孕，水蟲成，孕，懷子也。謂春時也。獸虞於是乎禁罟羅，獺魚鼈以爲夏槁，罾，音嗟。獺，义角反。槁，苦老反。○獸虞，掌鳥獸之禁令。罾，免罟。羅，鳥罟也。禁，禁不得施也。獺，搯也。槁，乾也。夏不得取，故於此時搯刺魚鼈以爲夏儲也。助生阜也。阜，長也。鳥獸方孕，故取魚鼈助生物也。鳥獸成，水蟲孕，水虞於是禁罟羅，設罝鄂，罾，音獨。麗，音鹿。罝，音靜。鄂，五各反。○罾，當作罝。罝，麗，小網也。罝，陷也。鄂，柞格，所以誤獸也。謂立夏鳥獸已成，水蟲懷孕之時，禁取魚之網，設取獸之物也。以實廟庖，畜功用也。以獸實宗廟庖厨也。而長魚鼈，畜四時功，足國財用也。且夫山不槎櫟，槎，仕雅反。櫟，五達反。○槎，斫也。以株生曰櫟。澤不伐天，艸木未成曰天。魚禁鯢鰠，鯢，音昆。鰠，音而。○鯢，魚子也。鰠，未成魚也。獸長麋麇，

長，丁丈反。麇，音倪。麇，一老反。○鹿子曰麇，麇子曰麇。鳥翼穀卵，穀，古候反。○翼，成也。生哺曰穀，未乳曰卵。蟲舍蛻蟻，舍，音捨。蛻，音遲。蟻，音沿。○蛻，蟻子也，可以爲醢。蟻，蝠陶也，可食。舍，不取也。蕃庶物也，古之訓也。國語魯語○縣子問子思曰：「顏回問爲邦，夫子曰：『行夏之時若時，殷、周異正爲非乎？』」縣，音懸。○縣子瑣言夏以建寅爲正，夫子是之，則商、周以子丑爲正，乃非乎？子思曰：「夏數得天，堯、舜之所同也。夏以寅爲正，得天數之全，故堯、舜亦然。殷、周王征伐革命以應乎天，因改正朔，若云天時之改爾，故不相因也。湯、武革命，所以應天，故變其正朔，蓋言若受天命然。夫受禪於人者則襲其統，夏因人心之歸以受舜禪，故亦因其朔不改。受命於天者則革之，所以神其事，如天道之變然也。三統之義，夏得其正，是以夫子云。」孔叢子雜訓

月令

王朝禮三之下

孟春之月，日在營室，昏參中，旦尾中。參，所林反。○孟，長也。日月之行，一歲十二會，聖王因其會而分之以爲大數焉，觀斗所建，命其四時。此云孟春者，日月會於諏訾而斗建寅之辰也。凡記昏明中星者，爲人君南面而聽天下，視時候以授人事。○淮南子時則訓篇無「日在營室」字，有「招搖指